

PREGLED NAJVEĆIH
PROJEKATA U 2014. I
2015. GODINI

SEDAM KILOMETARA
NOVOG ASFALTA
U VIŠE OD 50 ULICA

JEDINSTVEN
INFRASTRUKTURNI IZGLED
BAŠČARŠIJSKOG JEZGRA

OPĆINA STARI GRAD SARAJEVO

Djela govore više od hiljadu riječi



Općini koja je jezgro grada Sarajeva, centar gradskih dešavanja, nezaobilazna destinacija svih turista koji posjete ovu zemlju i koja postavlja nove trendove u djelovanju lokalne samouprave, u protekle dvije godine uloženo je preko pet miliona konverti-

bilnih maraka u kapitalne i infrastrukturne projekte.

Najveći od njih, projekat na koji se čekalo preko 30 godina i koji je donio jedinstven vanjski izgled baščaršijskom jezgru, od Bravadžiluka do Slatkog čošeta, je rekonstrukcija Baščaršijskog trga.

No, ulaganja u najposjećeniji i najistaknutiji dio


Starog Grada, nisu značila zanemarivanje manje popularnih dijelova općine. Ulice Vratnika, Bistrika, Kovača, Sedrenika, Moščanice, Hrida...sanirane su i uređene novim asfaltom kojeg je u posljednje dvije godine u Starom Gradu postavljeno preko sedam kilometara.

Kraj godine prilika je da

se sumiraju rezultati rada, te vam ponosno predstavljamo najznačajnije projekte koji su u ovoj općini realizovani u 2014. i 2015. godini. Ovo su samo neki od njih, a ostali su svuda oko vas, dovoljno je pogledati, jer djela nekad govore više od hiljadu riječi. Svim građanima, Općina Stari Grad čestita dolazak Nove

2016. godine, u nadi da će biti bolja i prosperitetnija od svih prethodnih, i uz obećanje da ćemo i ubuduće raditi na poboljšanju kvaliteta života svih naših građana, graditi odnos i povjerenje među nama, te njegovati duh tolerancije i suživota, vijekovima čuvan i poštovan u Starom Gradu.

Kapitalni projekti



Rekonstrukcija Baščaršijskog trga je najveći investicioni projekat koji je Općina Stari Grad realizovala u 2015. godini, vrijedan 1,2 miliona KM. Urađena je rekonstrukcija kompletne infrastrukture, vodovodne i kanalizacione mreže, elektro i plinskih instalacija, te instalacija BH Telecoma. Na armirano-betonsku ploču postavljene su nove kamene ploče od jabličkog rodolita, debljine 8 cm, kao i u ulicama Bravadžiluk i Sarači, čime je baščaršijsko jezgro dobilo univerzalan izgled. Trg je dobio i novu javnu rasvjetu, a sanirane su i pristupne stepenice na Sebilju. Investiciju su,

Baščaršijski trg



u jednakim omjerima finansirale pobratimska Općina Osman Gazi iz Republike Turske i Općina Stari Grad Sarajevo. Firma "Neima-

ri" d.o.o. donirala je dvije kamene klupe, a firma "Adazal" d.o.o. javni gradski sat. **Vrijednost investicije: 1,2 miliona KM, godina 2015.**



Kapitalni projekti



Pasivna kuća

Na Kovačima je izgrađena prva pasivna kuća u našoj zemlji. Općina Stari Grad je ustupila lokaciju za gradnju, te izdala potrebne dozvole, a kuću je gradila firma Promo d.o.o. Godišnja potrebna toplota za grijanje ove kuće 14kWh/m², a godišnja potrošnja primarne energije 103 kWh/m².

Tematska načela pasivne kuće su očuvanje energije, minimiziranje gubitaka i maksimiziranje dobitaka. Cijena kuće je 1.519 KM po m², a kuća troši do 20 puta manje od prosječne kuće u Bosni i Hercegovini. **Vrijednost kuće: 156.450 KM, godina 2014.**



Zgrada za socijalno stanovanje

Izgrađena je zgrada za socijalno stanovanje u ulici Čadordžina, u mjesnoj zajednici Logavina. Zgrada ima sedam stambenih jedinica, a stanovi su predviđeni za različite integrisane kategorije koje su u socijalnoj potrebi. Za izgradnju ove zgrade Općina je izdvojila 100.000 KM, osigurala lokaciju, izradila projektnu dokumentaciju i obezbijedila infrastrukturu. Evropska unija osigurala je cca 370.000 KM za izgradnju objekta, a projekt je implementirala humanitarna organizacija Hilfswerk Austria International. **Vrijednost investicije: oko 470.000 KM, godina 2015.**



Stambena zgrada na Baruthani

Stambeni objekat na Baruthani, namijenjen za trajno stambeno zbrinjavanje 11 interno raseljenih porodica iz Starog Grada, Općina gradi već tri godine. Do sada je završena gradnja zgrade, potpornog zida, postavljena je stolarija i fasada, a preostalo je unutarnje uređenje. Sve radove finansirala je Općina Stari Grad sa 300.000 KM i humanitarna organizacija Hilfswerk Austria International za BiH, koja je implementator projekta.



Saburina kuća

Restaurirana Saburina kuća na Kovačima, koja je 2006. godine proglašena nacionalnim spomenikom, otvorena je sredinom prošle godine. Radovi su izvođeni tokom dvije godine, u skladu sa budžetskim izdvajanjima, a Kući staroj skoro 300 godina, ponovo je vraćen život. Općina je ove radove finansirala sa oko 147.000 KM, dok je za izradu projektne dokumentacije izdvojeno 23.000 KM. Krajem ove godine nastavljena je sanacija i restauracija Saburine kuće kroz treću i četvrtu fazu. **Vrijednost investicije: 170.000 KM, godina 2014. Vrijednost novih radova: 57.900 KM, godina 2015.**

Arheološki park At mejdan

Restaurirani i konzervirani arheološki park At mejdan svečano je otvoren u maju, 2015. godine. Prva faza konzervacije rađena je 2012. godine i finansirala je Vlada FBiH, u vrijednosti od 95.000 KM. Druga faza radova je počela 2014. godine, a sredstva su osigurali: prijateljski grad Bursa iz Republike Turske 134.000 KM, 15.000 KM je obezbijedio Zavod za zaštitu kulturno-historijskog i prirodnog naslijeđa Kantona Sarajevo, a ostatak je finansirala Općina Stari Grad oko 23.000 KM, Prva faza, koja je nazvana "Medresa" obuhvatila je konzervaciju iskopina ostataka medrese. U drugo fazi urađeno je otkrivanje harema sa kompletnim grobnim mjestima, te konzervacija i sanacija ostataka Bakr-babine džamije.



Urađen je i most koji se prostire iznad iskopina kako bi se posjetiocima omogućila bolja prezentacija arheološkog parka. **Vrijednost investicije: 172.000 KM, godina, 2015.**



Sportsko igralište Iza gaja

Izgrađen je novi sportski teren za mali nogomet, na lokalitetu Iza gaja, u Mjesnoj zajednici Hrid – Jarčedoli. Projekat je trajao dvije godine, u skladu sa finansijskim sredstvima neophodnim za njegovu realizaciju, a koja su se obezbjeđivala budžetima za 2013. i 2014. godinu. Izgrađeno je igralište sa asfaltnom podlogom, postavljena zaštitna ograda i mreže, postavljen novi mobilijar, izgrađen potporni zid, te pristupni put. **Vrijednost investicije: oko 150.000 KM, godina 2014.**

Sportsko igralište Mjedenica

U ulici Mjedenica do broja 50 izgrađeno je novo sportsko igralište na površini od oko 186 m², dimenzija 9x16,50 metara, sa zaštitnom ogradom visine 5 metara. Izgradnju Sportskog igrališta Mjedenica finansirala je Fondacija "Asmir Begović", a Općina Stari Grad je obezbijedila zemljište, te izdala potrebne dozvole i provela postupak izbora izvođača radova. **Vrijednost investicije: oko 42.000 KM, godina 2015.**



Izgradnja kanalizacione mreže ispod Višegradske kapije

Stanovnici vratničkog naselja ispod Višegradske kapije, nakon više godina dobit će priključnu kanalizacionu mrežu na postojeću fekalnu kanalizaciju. Time će Općina Stari Grad riješiti dugogodišnji problem ovih građana. Radovi na izgradnji nove kanalizacione mreže su u toku. Oko 30 domaćinstava bit će priključeno na javnu gradsku kanalizacionu mrežu i postavljeno više od 250 metara kanalizacionih cijevi. Ponudeno rješenje predviđa umrežavanje domaćinstava pojedinačnim priključcima na dva odvojena voda prema javnoj gradskoj kanalizacionoj mreži, a radit će se i posebni šahtovi za usporavanje dinamičkog udara. **Vrijednost investicije: 138.792 KM, godina 2015.**

Podrška školskim ustanovama



OŠ "Hamdija Kreševljaković"

Općina je izdvojila sredstva za rekonstrukciju sanitarnih čvorova u OŠ „Hamdija Kreševljaković“ na Vratniku. Urađena je kompletna rekonstrukcija 14 kabina toaleta sa predulazima. **Vrijednost investicije: oko 30.000 KM, godina 2015.**



OŠ "Mula Mustafa Bašeskija"

S ciljem omogućavanja redovne nastave i normalnih uslova rada za više od 460 učenika i uposlenika ove škole, Općina je sufinansirala nabavku i montažu kotla za zagrijavanje. **Vrijednost investicije: 20.000 KM, godina 2014. godina**



OŠ "Šejh Muhamed ef. Hadžijamaković"

Rekonstruisana je fiskulturna sala u OŠ "Šejh Muhamed ef. Hadžijamaković", koja je stradala u poplavama u maju, 2014. godine. Općina je posredovala u obezbjeđivanju sredstava za njenu obnovu, a sve radove je finansirala Turska vojna misija u BiH. **Vrijednost investicije: cca 40.000 KM, godina 2015.**

OŠ "Saburina"

U OŠ "Saburina" sufinansirana je rekonstrukcija krova. Sredstva su obezbijedili pobratimska Općina Silivri iz Republike Turske (50.000 KM) i Općina Stari Grad Sarajevo (38.000 KM). Osim toga, Općina je početkom

godine izdvojila sredstva za kupovinu novog plamenika na kotlu u ovoj školi. **Vrijednost investicije za krov: 88.000 KM, godina 2015. Vrijednost investicije za kotao: 15.000 KM, godina 2015.**



OŠ "Edhem Mulabdić"

Sanirana su dva stepeništa u dvorištu područne OŠ "Edhem Mulabdić". Stepeništa su betonirana, urađena je i njihova finalna obrada, te postavljena zaštitna ograda u dužini od 12 metara. Izdvojena su sredstva i za toplifikaciju kotlovnice u ovoj školi tokom 2015. godine. **Vrijednost investicije 10.500 KM, godina 2014. i 2015.**



OŠ "Vrhbosna"

Općina je finansirala nastavak radova na aneksu zgrade OŠ "Vrhbosna", tako da je u 2014. godini urađeno finalno malterisanje unutrašnjih prostorija u dograđenom objektu. Za ove radove izdvojeno je 26.200 KM. Ove godine Općina je izdvojila 35.000 KM za postavljanje fasade i izgradnju protupožarnih izlaza na oba sprata Lamele II objekta OŠ "Vrhbosna".

Vrijednost investicije: oko 61.000 KM, godina 2014 i 2015.

Vrtić "Pčelica"

Sufinansirana je obnova vrtića "Pčelica", gdje je prošle godine rekonstruisan oštećeni krov, zamijenjena vanjska fasadna stolarija u prizemlju, uređeni sanitarni čvorovi, te adaptirana čajna kuhinja, trpezarija i ulazni hodnik. Općina je za te svrhe, prošle godine, izdvojila 20.000 KM. U 2015. godini za nastavak radova na rekonstrukciji vrtića "Pčelica", Općina je izdvojila 10.000 KM.





Ulice



Strošići

Ove godine uspješno je realizovan projekat rekonstrukcije ulice Strošići, na Vratniku. Ulici koja nije sanirana preko sedamdeset godina, u potpunosti je izmijenjena infrastruktura, postavljene su nove vodovodne i kanalizacione cijevi, plinske i telekom instalacije, te asfaltirano više od 938 m² ulice. U centralnom dijelu ulice postavljene su nove vodovodne cijevi u dužini od oko 400 metara, dok je skoro 700 metara cijevi položeno za kišnu i fekalnu kanalizaciju. U ulici je urađeno 98 priključaka na fekalnu kanalizaciju i 97 priključaka oluka na oborinske odvode.

Finansijeri ovog velikog projekta bili su Ministarstvo prostornog uređenja KS i Općina Stari Grad. **Vrijednost investicije: oko 380.000 maraka, godina 2015.**



Safvet-bega Bašagića, Alije Nametka i Mihrivode

Urađena je rekonstrukcija dijelova ulica Safvet-bega Bašagića, Alije Nametka i Mihrivode do broja 59. Ulice su asfaltirane u ukupnoj dužini od 270 metara i prosječnoj širini od pet do osam metara. **Vrijednost investicije: oko 84.000 KM, godina 2015.**

Djelimična sanacija i krpljenje ulica

U 2014. godini krpljenje udarnih rupa urađeno je u ulicama: Ablagijin potok, Donje Biosko, Obhodža lipe od br. 18 do br. 34, Hasana Kaimije, Za beglukom, Fojnička, Goloderica, Hambina carina, Bistrik Medresa, Dugi sokak, Bistrik potok, Balibegovica i Mala Berkuša. **Vrijednost investicije: oko 54.000 KM, 2014. godina.**

Djelimična sanacija i krpljenje udarnih rupa tokom 2015. urađeno je u ulicama: Toka, Bistrik potok, Konak, Džinina, Karpuzova, Faletići, Hladivode kod brojeva 83, 94-96, 131-115, Miščina, Safvet-bega Bašagića, Alifakovac kod Inat kuće, Močila, Škaljin sokak, Sedrenik Obhodža, Komatin, Alije Nametka,

Bostarići, Kamenica od broja 50 do 90, Jarčedoli, Baruthana, Bistrik čikma, Jarčedoli do broja 45, Pogledine broj 6, Josipa Štadlera broj 6, Pehlivanuša broj 3, Petrakijina, Rogina, Fojnička broj 14, Paje sokak, Kamenica, Hladivode, Budžak i Velika Berkuša. **Vrijednost investicije: oko 50.000 KM, godina 2015.**

Sanirano više od 50 ulica, 7 km novog asfalta

U posljednje dvije godine na teritoriji Starog Grada asfaltirano je oko sedam kilometara ulica, te u njihovu sanaciju uloženo više od 1.5 miliona konvertibilnih maraka!

Prošle godine sanirane su ulice na 19 lokacija i uloženo oko 370.000 KM: Nadlipe čikma, Prvi bataljon, Baruthana, Dolovi, Sedrenik od broja 290 do 306, Kračule, Sedrenik čikma, Garaplina, krov atomskog skloništa ispred zgrade Općine, Iza gaja, put prema Hreši, proširenje donjeg dijela ulice Kovači, dio ulice Bostarić, Ramića banja, Josipa Štadlera, pristupni put na Lapišnici i Ba-

kije sokak, Hladivode i Hadžijska ravan.

U ovoj godini uloženo je preko 1.200.000 KM, a rekonstruisano je 36 ulica: Strošići, Jarčedoli, Vratnik Mejdan, Sedrenik od broja 139 do 145, Za Beglukom, Mihrivode, Sunulah efendije, Potoklinica, Abadžiluk, Širokača, put i parking pored Bakr-babine džamije, Ispod oraha, dio ulice Bistrik i Mahmutovac, ma-

kadamski dio ulice Pogledine, Adžemovića, Safvet-bega Bašagića, Alije Nametka i Mihrivode, Ablakovina, Faletići, Budakovići čikma, Sarajevskih gazija, Mali Sedrenik, Logavina, Nevjestina, Alije Đerzeleza, Alije Nametka, Nova Baruthana, Brusulje od broja 35 do 37, Terzibašina, Faletići kod rezervoara, Kamenica, Rogina, Goloderica i pristupni put za igralište Mjedenica.



Nadlipe čikma

Oko 243 metra ulice Nadlipe čikma, na Širokači je sanirano. Novi asfalt postavljen je u dužini od oko 243 metra i prosječnoj širini od tri i po do četiri metra. **Vrijednost investicije: 40.500 KM, godina 2014.**



Jarčedoli

Rekonstruisana je i ulica Jarčedoli. Novi asfalt postavljen je na dužini od oko 355 metara i širini od četiri i po do pet metara. **Vrijednost investicije: oko 100.900 KM, godina 2015.**

Logavina

Sanirana su kolovozna oštećenja ulice Logavina, od OŠ „Mula Mustafa Bašeskija“ do džamije na Vrbanjuši. Ulica je sanirana u dužini od oko 386 metara i prosječnoj širini od pet do devet metara. **Vrijednost investicije: oko 115.400 KM, godina 2015.**



Nevjestina

U ulici Nevjestina, na dijelu od hotela „Saraj“ do Balkanskog mevlvijsko - istraživačkog centra, prvo su radi lakšeg mimoilaženja vozila urađena proširenja na četiri mjesta, a potom je ulica asfaltirana. Dužina ulice koja je sanirana je 266 metara. **Vrijednost investicije: oko 66.800 KM, godina 2015.**



Ispod oraha

I ulica Ispod oraha, na Vratniku, dobila je novi asfalt, na dužini od oko 450 metara. Ova ulica nalazi se u neposrednoj blizini OŠ „Hamdija Kreševljaković“. **Vrijednost investicije: 43.000 KM, godina 2015.**



Potporni zidovi

U posljednje dvije godine Općina je finansirala sanaciju i izgradnju 15 potpornih zidova. Za ove projekte izdvojeno je 267.300 KM.

U toku 2014. godine Općina je sa 137.000 KM finansirala sanaciju i izgradnju šest potpornih zidova u ulicama: Baruthana kod broja 69, Save Skarića 9, u koritu Miljacke (kod Inat kuće), Ramića banja 40, Žagrići i Pastrma. Ove godine izgrađeno je 10 zidova i to na Obhodži, Hridu, Potoklinici, dva na Mošćanici, Podcarini, Jarčedolima, Bistrik brijegu, Boguševcu i kaskadni zid na Bistričkom potoku. Za ove namjene izdvojeno je 150.300 KM.



Boguševac

Novi armirano - betonski potporni zid, dužine 32 metra izgrađen je u ulici Boguševac, u Mjesnoj zajednici Toka - Džeka. Radovi su se izvodili u kampadama, jer se radilo o jako nepristupačnom i suženom terenu. **Vrijednost investicije: oko 20.000 KM, godina 2015.**



Obhodža

U blizini mosta Bosansko-turskog prijateljstva, u ulici Obhodža bb, izgrađen je novi potporni zid. Zbog djelovanja oborinskih voda u zimskom periodu i velikog nagiba, na tom području dolazilo je do odrona, što je gradnjom zida zaustavljeno. **Vrijednost investicije: 17.000 KM, godina 2015.**



Dva zida na Mošćanici

Dva nova armirano-betonska potporna zida izgrađena su na Mošćanici, u naselju Gazin Han. Oba zida duga su po 30 metara, a izgrađena su uz saobraćajnicu na Darivi. **Vrijednost investicije: oko 53.000 KM, godina 2015.**

Žagrići

U dužini od 30 metara izgrađen je potporni zid u ulici Žagrići br. 1. **Vrijednost investicije: oko 36.100 KM, godina 2014.**



Jarčedoli

Novi potporni zid, izgrađen je i u ulici Jarčedoli, u naselju Popov gaj. Gradnja ovog zida dužine 24 metra urađena je u sklopu projekta sanacije istoimene ulice. **Vrijednost investicije: oko 13.000 KM, godina 2015.**



Save Skarića

Armirano-betonski potporni zid sagrađen je u ulici Save Skarića broj 9. Zid je dug 29 metara, a

na pojedinim dijelovima njegova visina doseže i 4,5 metara, kako bi se osigurao teren i spriječio

obrušavanje. **Vrijednost investicije: oko 50.000 KM, godina 2014.**



Bistrik brijeg

Armirano-betonski potporni zid izgrađen je u ulici Bistrik brijeg do broja 6, dužine oko 13 metara i prosječne visine oko tri metra, a u cilju sprečavanja daljnjeg obrušavanja terena. **Vrijednost investicije: oko 23.000 KM, godina 2015.**

Sanacija klizišta

Značajna sredstva ove godine izdvojena su putem Službe civilne zaštite Općine Stari Grad za sanaciju dva klizišta: Podcarina br.29 i Save Skarića br.22.

Klizište Podcarina br. 29 nalazi se u istoimenoj ulici i proteže se iznad rijeke Miljacke do

stambenih objekata br 27. i br 29. Sredstva u iznosu od 51.270 KM izdvojena su za izgradnju armirano-betonskog zida visine 1,6 metara, dužine 22,5 metara.

Klizište u ulici Save Skarića broj 22 izazvalo je pukotine na obližnjim stambenim objektima

i potpornim zidovima, te ugrozilo nekoliko objekata na širem lokalitetu klizišta. Za izgradnju potpornog zida dužine cca 25 metara i visine 2 metra, izdvojeno je 75.735 KM. **Vrijednost investicije: cca 130.000 KM, godina 2015.**





Vodovod i kanalizacija

Više od 144.000 KM uloženo je za izgradnju i sanaciju vodovodne i kanalizacione mreže u prošloj i ovoj godini.



10. brdska brigada

Sanirana je kanalizaciona mreža u dijelu ulice 10. brdske brigade do broja 11, na Toki - Džeki. **Vrijednost investicije: oko 7.000 maraka, godina 2015.**



Alije Nametka

Na Sedreniku, u ulici Alije Nametka, popravljena je kanalizaciona mreža u dužini od 15 metara. **Vrijednost investicije: oko 6.000 KM, godina 2015.**



Bakije sokak

Otklonjen je kvar na kanalizacionoj mreži i u ulici Bakije sokak. S obzirom da preduzeće "Vodovod i kanalizacija", koje je nadležno da otkloni kvar, nije na vrijeme reagovalo, Općina se uključila kako bi zajedno našli rješenje i pomogli građanima.

Sarajevskih gazija



Postavljene su nove drenažne cijevi za odvodnju u ulici Sarajevskih gazija kod broja 35, u naselju Moščanica. **Vrijednost investicije: oko 5.300 KM, godina 2015.**

Moščanica



Na izuzetno zahtjevnom terenu, u Mjesnoj zajednici Moščanica, postavljena je nova kanalizaciona mreža, čime su stvoreni uslovi za priključenje 40 domaćinstava na novu mrežu. Prva faza radova, dužine 370 metara, urađena je krajem 2013. godine (finansirao Fond za zaštitu okoliša FBiH, u iznosu od 96.000 KM) Druga faza radova završena je 2014. godine, a postavljeno je 157 metara kanalizacionih cijevi. **Vrijednost investicije: oko 41.500 KM, godina 2014.**

Paje



Prošle godine je 13 domaćinstava u ulici Paje dobilo nove vodovodne i kanalizacione priključke. Uklonjene su stare i dotrajale cijevi i postavljene nove, u dužini od 80 metara, a potom su urađeni priključci. **Vrijednost investicije: oko 66.000 KM, godina 2014.**



Stepeništa

Za rekonstrukciju kamenih stepeništa Općina Stari Grad je za dvije godine izdvojila 79.500 KM, od toga oko 57.000 KM prošle i 22.500 KM ove godine. Sanirana su stepeništa u ulicama: Bistrik (dva stepeništa uz školu), Bijela česma, Kračule, Adžemovića i Potoklinica.



Bijela česma

Rekonstruisano je kameno stepenište u ulici Bijela česma. Pored sanacije gazišta, u sklopu projekta ugrađeni su i novi kišni kanali i slivne rešetke, te postavljena rukohvatna ograda dužine 110 metara. **Vrijednost investicije: oko 46.000 KM, godina 2014.**



Kračule

Sanirano je kameno stepenište u ulici Kračule. Stepenište je bilo potpuno obrušeno i moralo se pristupiti njegovoj sanaciji. **Vrijednost investicije: oko 3.000 KM, godina 2014.**



Adžemovića

Rekonstruisano je kameno stepenište u ulici Adžemovića, u Logavinoj. Urađena je sanacija gazišta, drenaža i priključci za oluke, te popravljena postojeća rukohvatna ograda dužine oko 50 metara. **Vrijednost investicije: 18.000 KM, godina 2015.**

Potoklinica

Urađena je djelimična sanacija i popravka betonskog stepeništa u ulici Potoklinica.

U sklopu radova sanirano je 27 gazišta. Urađeno je preslaganje kamenih ivičnjaka i gazišta. **Vrijednost investicije: oko 4.500 KM, godina 2015.**





Zaštitne ograde i rešetke

U posljednje dvije godine Općina Stari Grad je postavila 17 novih gusanih rešetki za vodu u ulicama: Safvet-bega Bašagića 92 i 88, Grličića brdo 1, 3 i 5, Hercina 12, Mihrivode 31 i 29, Mali Sedrenik 56 i 57, Fazilin sokak bb i 1, Hladvode 37 i

1, raskrsnica ulica Safvet-bega Bašagića i Arapove, Hamdije Kreševljakovića broj 55 (preko puta zgrade Papagajka) i u ulici Moščanica kod rezervoara. Vrijednost investicije: 12.000 KM, godina 2014. i 2015.

Zaštitne ograde postavljene

su na mostu Suhodol na Faletićima (20 metara), u ulici Moščanica čikma na Obhodži (22m), zatim na Čavljaku (30m), Kovačima (28m), Baruthani (16m) i Čolinom potoku. Vrijednost investicije: 16.200 KM, godina 2014. i 2015.



Kovači

Postavljena je rukohvatna ograda na lijevoj strani ulice Kovači od broja 5 do 29.

Da bi spriječili nepropisno parkiranje automobila, postavljena je ograda dužine 28 metara. Vrijednost investicije: 2.000 maraka, godina 2015.



Baruthana

Na zahtjev građana postavljena je zaštitna ograda u ulici Baruthana čikma do broja 26, dužine 16 metara. Vrijednost investicije: oko 1.800 KM, godina 2015.



Čavljak

Ograda oko izvorišta na Čavljaku postavljena je s ciljem sprječavanja odlaganja otpada i onemogućavanja prilaza životinjama. Ograda je postavljena na dužini od 30 metara. Vrijednost investicije: 2.400 KM, godina 2015.

Čolin potok

Nakon čišćenja Čolinog potoka, a da bi se spriječilo dalje odlaganje otpada, postavljena je zaštitna ograda na most iznad potoka. Vrijednost investicije: oko 6.500 KM, godina 2015.



Brane, mostovi, česme

Brana na Mahmutovcu

Preventivno je izvršeno čišćenje brane na Mahmutovcu. Brana, koja sprječava oticanje oborinskih voda iz pravca Trebevića na obližnje kuće, očišćena je od korova i šiblja koje se nakupilo. Na dijelu ispod brane, a iznad obližnjih kuća, postavljena je ograda. Očišćeno je i sportsko igralište koje se nalazi iznad brane, te slivna rešetka predivljena za oticanje oborinskih voda. Vrijednost investicije: oko 6.000 KM, godina 2015.



Most na Boguševcu

Saniran je most na Boguševcu, oštećen tokom prošlogodišnjih majskih padavina, kada je došlo do obrušavanja dvije kamene gromade sa obližnje brane koje su pale u potok i preusmjerile tok vode. Iz tog razloga, voda je počela 'udarati' u most usljed čega su se pojavile pukotine, a stabilnost mosta postala je upitna. Vrijednost investicije: 11.000 KM, godina 2015.

Most na brani Bentbaša

Uposlenici Sektora za tehničke poslove Općine Stari Grad sanirali su most na brani Bentbaša. Zamijenjene su daske na drvenom gazištu mosta u dužini od 22 metra, širine dva metra. Gazište mosta bilo je dosta oštećeno i većina postojećih dasaka bila je polomljena pa je postojala opasnost ozljeđivanja prolaznika.



Izvor na Brusuljama

Na Brusuljama je saniran lokalni izvor sa česmama, sagrađen još u austro-ugarskom periodu, kada je tadašnja vlast gradila saobraćajnicu. U sklopu projekta izgrađen je novi rezervoar (kaptaža), ucijepljena je voda na pravilan način, te saniran kameni potporni zid oko izvora. Vrijednost investicije: oko 10.000 maraka, godina 2015.



Saobraćajni znakovi, stubići, niše, parkirališta za bicikle

Saobraćajni znakovi

Na području općine Stari Grad postavljeno je pet saobraćajnih ogledala, i to u ulicama: Sedrenik preko puta broja 53, Faletići kod broja 43, na raskrsnici ulica Obhodža i Obhodža lipe, u Kamenici preko puta broja 10 i na Obhodži kod kožare. Vrijednost investicije: oko 2.700 KM, godina 2015.



Stubići

Postavljeno je osam novih metalnih stubića na pločniku iza Katedrale, uz ulicu Mula Mustafa Bašeskija. Stubići će spriječiti prolazak vozila na pločnik iza Katedrale i okolni prostor. Vrijednost investicije: oko 1.200 KM, godina 2015.

Niše za kontejnere

Izgrađene su nove, natkrivene niše za kontejnere na raskrsnici između ulica Put mladih muslimana i Hadžiabdinica na Širokači, te niše za tri kontejnera ispod Sportskog igrališta "Mjedenica". Vrijednost investicije: 6.400 KM, godina 2014 i 2015.



Parkirališta za bicikle

Općina je, u saradnji sa Udruženjem gradskih biciklista "Giro di Sarajevo", izgradila prvo parkiralište za bicikle iza Katedrale, u septembru 2014. godine. Godinu dana poslije, izgrađeno je parkiralište za bicikle i u blizini autobusnog stajališta, preko puta Doma Oružanih snaga BiH. Vrijednost investicije: oko 3.000 KM, godina 2014. i 2015.



Uređenja zelenih površina

Aleja ambasadora

Za radove u Aleji ambasadora Općina Stari Grad je prošle godine osigurala oko 35.300 KM. Postavljena je zaštitna ograda radi sprječavanja obrušavanja kamena na put, kod prvog tunela, čija je vrijednost oko 6.800 KM. Pored toga, za izgradnju betonskog potpornog zida na dijelu gdje akreditovani ambasadori u BiH sade lipe, te postavljanje mermernih ploča izdvojeno je oko 14.500 KM. Za čišćenje, košenje trave, popravku klupa i održavanje pokretne wc kabine u Aleji ambasadora, te uništavanje zmija na potezu Bentbaša-Kozija ćuprija izdvojeno je oko 14.000 KM.

U Aleji ambasadora, od Ben-



tbaše do mosta na Mošćanici, postavljeno je 20 novih klupa i korpi za smeće. Na potpunom lokalitetu Aleje ambasadora urađeno je sezonsko vegetativno održavanje lipa, njih ukupno 149, okopavanje i prihranjivanje, zavisno od potreba. Ukupno 43

stabla lipe su zamijenjena novim jer su bila oštećena ili bolesna, te se pristupilo revitalizaciji Aleje ambasadora. **Vrijednost investicije: oko 19.000 KM, godina 2015.** Pored toga i u ovoj godini za radove u Aleji izdvojeno je 29.400 KM.

Nove klupe

Više od stotinu modernih i višenamjenskih parkovskih klupa do kraja ove godine bit će postavljeno u Starom Gradu, a riječ je o donaciji turske kompanije "Ben" d.o.o. Postavljene su klupe u malom parku pored Apoteke 1. maj, na Zmajevcu, na Trgu oslobođenja-Alija Izetbegović...



Kameni grb Općine Stari Grad

Na obali rijeke Miljacke, između mostova Ćumurija i Latinska ćuprija, izgrađen je prvi kameni grb Općine Stari Grad Sarajevo. Kameni grb predstavljat će znak dobrodošlice svima koji posjete najstariju gradsku općinu i vidljiv je sa desne obale Miljacke. Grb je izrađen u kamenu, u originalnim bojama općinskog grba, dimenzija 1,5x2,20 metara.



Javna rasvjeta

Javna rasvjeta u 2014. godini je postavljena u ulicama: Jarčedoli 92, Trčivode - nova ulica, Hladivode 7, Faletići bb, Brajkovac prema Hambinoj carini, Kamernica preko puta br. 7, Kamernica

ca od 47 do 53, Ispod Budakovića 14, Potok 24, 10. brdske brigade 102, Ugao ulica Bistrik i Okrugla, Mjedenica 26, Vinograd 3, Hadžikajmakova 33, Hadžikajmakova 38, Hadžišabanova iz-

među brojeva 15 i 17, Sunulah ef. kod džamije i Toromanova kod škole.

Vrijednost investicije: 31.800 KM, godina 2014.

U 2015. godini sanirana je LED rasvjeta na Bašćaršiji u ulicama: Trgovke, Sarači, Gazi Husrev-begova i Kazazi. Popravljen su i rasvjetna tijela u ulicama Safvet-bega Bašagića i Zelenih beretki, te izmješten mjerni ormar rasvjete na Hladivodama. Postavljena je i LED rasvjeta kod vatroganske podstanice na Bašćaršiji.

Vrijednost investicije: 50.000 KM, godina 2015.



Vjerski objekti

Više od 127.000 KM Općina Stari Grad je u protekle dvije godine izdvojila za podršku vjerskim institucijama.

U 2014. godini Općina Stari Grad je izdvojila sredstva u iznosu od 5.000 KM za sanaciju plafona džamije u Žagrićima, te 15.000 KM za radove na munari na džamiji u Lubinoj ulici. Također, 5.000 KM donirano je za sanaciju džamije na Faletićima.

Općina je u ovoj godini finansirala postavljanje video nadzora u Jevrejskoj opštini Sarajevo u iznosu od 2.000 KM, zatim postavljanje rampe za osobe sa posebnim potrebama u Katedrali Srca Isusova u iznosu od 4.900 KM, te nabavku trimera za džemat Obhodža u iznosu od oko 1.000 KM. Za uređenje pučke kuhinje Vrhbosanske nadbiskupije donirano je 5.000 KM.

Za podršku projektima Fonda Kantona Sarajevo za zaštitu i održavanje grobalja šehida i poginulih boraca, memorijalnih centara i spomen obilježja žrtava genocida - Fonda memorijala, Općina Stari Grad je za dvije godine izdvojila 90.000 KM. Ova sredstva uložena su za sanacije mezarja i za postavljanje nišana na mezarima pripadnika boračke populacije.



Careva džamija i Isa-begov hamam

Govoreći o vjerskim objektima, ne možemo a da ne spomenemo još dva izuzetno značajna projekta realizovana ove godine na području općine Stari Grad. Naime, u maju ove godine, svečano su otvoreni obnovljeni Isa-begov hamam i restaurirana Careva-Sultan Fatihova džamija.

Obnovu Isa begovog hamama finansirala je Direkcija vakufa Republike Turske u iznosu od 2,6 miliona konvertibilnih maraka, a preko 2 miliona konvertibilnih maraka za obnovu Careve džamije izdvojila je TIKa - Turska državna agencija za međunarodnu saradnju i razvoj.

